



R. 56.386

OFFICIUM RECITANDUM
IN NOCTE
NATIVITATIS DOMINI,
JUXTA
BREVIARIUM ROMANUM.



DE LICENTIA ORDINARIJ.

MALACE.

EX OFFICINA OLIM MARTINEZ DE AGUILAR. TYPOGRAPHI BIBLIOPOLÆ,
NUNC AUTEM AMBROSII RUBIO EJUS SUCCESSORIS.
MDCCCLXXVI.



OFFICIUM

IN NOCTE

NATIVITATIS DOMINI.

AD MATUTINUM

Dicitur secreto Pater noster... Ave Maria... *et* Credo...

DEINDE CLARA VOCE DICITUR:

℣. **D**omine, labia mea aperies.—℟. Et os meum annuntiabit laudem tuam.

℣. Deus, in adjutorium meum intende.—℟. Domine, ad adjuvandum me festina.

Gloria Patri, et Filio, et Spiritui Sancto. Sicut erat in prin-

cipio, et nunc, et semper, et in
secula seculorum. Amen. Alle-
luia.

INVITATORIUM.

Christus natus est nobis: *
venite, adoremus.

Repetitur Christus natus est no-
bis: venite, adoremus.

Psalmus 94.

Venite, exulemus Domino,
jubilemus Deo salutari nostro:
præoccupemus faciem ejus in
confessione, et in psalmis ju-
bilemus ei.

Christus natus est nobis:
venite, adoremus.

Quoniam Deus magnus Do-

minus, et rex magnus super omnes deos: quoniam non repellet Dominus plebem suam, quia in manu ejus sunt omnes fines terræ, et altitudines montium ipse conspicit.

Venite, adoremus.

Quoniam ipsius est mare, et ipse fecit illud, et aridam fundaverunt manus ejus. Venite, adoremus, et procidamus ante Deum: ploremus coram Domino, qui fecit nos; quia ipse est Dominus Deus noster: nos autem populus ejus, et oves pascuæ ejus.

Christus natus est nobis: venite adoremus.

Hodie si vocem ejus audieritis, nolite obdurare corda vestra, sicut in exacerbatione secundum diem tentationis in deserto: ubi tentaverunt me patres vestri, probaverunt et viderunt opera mea.

Venite, adoremus.

Quadraginta annis proximus fui generationi huic, et dixi: Semper hi errant corde: ipsi vero non cognoverunt vias meas, quibus juravi in ira mea, si introibunt in requiem meam.

Christus natus est nobis: venite, adoremus.

Gloria Patri, et Filio, et Spi-

7

ritui Sancto. Sicut erat in
principio, et nunc, et semper,
et in secula seculorum. Amen.

Venite, adoremus.

Christus natus est nobis: ve-
nite, adoremus.

HYMNUS.

Jesu Redemptor omnium,
Quem lucis ante originem
Parem Paternæ gloriæ
Pater supremus edidit.

Tu lumen, et splendor Patris,
Tu spes perennis omnium,
Intende quas fundunt preces
Tui per orbem servuli.

Memento, rerum Conditor,
Nostri quod olim corporis,
Sacrata ab alvo Virginis

Nascendo, formam sumpseris.

Testatur hoc præsens dies
Currens per anni circulum,
Quod solus e sinu Patris
Mundi salus adveneris.

Hunc astra, tellus, æquora,
Hunc omne, quod cœlo subest,
Salutis Auctorem novæ
Novo salutat cantico.

Et nos, beata quos sacri
Rigavit unda Sanguinis,
Natalis ob diem tui
Hymni tributum solvimus.

Jesu, tibi sit gloria,
Qui natus es de Virgine,
Cum Patre, et almo Spiritu,
In sempiterna secula. Amen.

IN PRIMO NOCTURNO.

Añã. Dominus dixit ad me:
Filius meus es tu, ego hodie genui te.

Psalmus 2.

Quare fremuerunt Gentes. *
et populi meditati sunt inania?

Astiterunt reges terræ, et
principes convenerunt in
unum * adversus Dominum,
et adversus Christum ejus.

Dirumpamus vincula eorum: *
et projiciamus a nobis
jugum ipsorum.

Qui habitat in cœlis irridebit eos: *
et Dominus subsannabit eos.

Tunc loquetur ad eos in ira sua, * et in furore suo conturbabit eos.

Ego autem constitutus sum rex ab eo super Sion montem sanctum ejus, * prædicans præceptum ejus.

Dominus dixit ad me: * Filius meus es tu, ego hodie genui te.

Postula a me, et dabo tibi Gentes hæreditatem tuam, * et possessionem tuam terminos terræ.

Reges eos in virga ferrea, * et tamquam vas figuli confringes eos.

Et nunc, reges, intelligite: * e-

rudimini qui iudicatis terram.

Servite Domino in timore: *
et exultate ei cum tremore.

Apprehendite disciplinam,
nequando irascatur Dominus,
* et pereatis de via justa.

Cum exarserit in brevi ira
ejus, * beati omnes, qui confi-
dunt in eo.

Gloria Patri... Sicut erat...

Añã. Dominus dixit ad
me: Filius meus es tu, ego ho-
die genui te.

Añã. Tamquam sponsus
Dominus procedens de thala-
mo suo.

Psalmus 18.

Cœli enarrant gloriam Dei, *

et opera manuum ejus annuntiat firmamentum.

Dies diei eructat verbum,*
et nox nocti indicat scientiam.

Non sunt loquelæ, neque sermones,* quorum non audiantur voces eorum.

In omnem terram exivit sonus eorum:* et in fines orbis terræ verba eorum.

In sole posuit tabernaculum suum:* et ipse tamquam sponsus procedens de thalamo suo,

Exultavit ut gigas ad currendam viam,* a summo cœlo egressio ejus:

Et occursum ejus usque ad summum ejus:* nec est qui se

abscondat a calore ejus.

Lex Domini immaculata
convertens animas: * testimo-
nium Domini fidele, sapien-
tiam præstans parvulis.

Justitiæ Domini rectæ, læti-
ficantes corda: * præceptum
Domini lúcidum, illúminans
oculos.

Timor Domini sanctus, per-
manens in seculum seculi: * ju-
dicia Domini vera, justificata
in semetipsa.

Desiderabilia super aurum
et lapidem pretiosum mul-
tum: * et dulciora super mel
et favum.

Etenim servus tuus custo-

dit ea * in custodiendis illis re-
tributio multa.

Delicta quis intelligit? ab
occultis meis munda me: * et
ab alienis parce servo tuo.

Si mei non fuerint domina-
ti, tunc immaculatus ero: * et
emundabor a delicto maximo.

Et erunt ut complaceant
eloquia oris mei: * et meditatio
cordis mei in conspectu tuo
semper.

Domine, adjutor meus, * et
redemptor meus.

Gloria Patri... Sicut erat...

Añã. Tamquam sponsus
Dominus procedens de thala-
mo suo.

Aña. Diffusa est gratia
in labiis tuis, propterea bene-
dixit te Deus in æternum.

Psalmus 44.

Eructavit cor meum verbum
bonum: * dico ego opera mea
Regi.

Lingua mea calamus scri-
bæ, * velociter scribentis.

Speciosus forma præ filiis
hominum, diffusa est gratia
in labiis tuis: * propterea bene-
dixit te Deus in æternum.

Accingere gladio tuo super
femur tuum, * potentissime.

Specie tua et pulchritudine

tua * intende, prospere procé-
de, et regna.

Propter veritatem et man-
suetudinem, et justitiam: * et
deducet te mirabiliter dexte-
ra tua.

Sagittæ tuæ acutæ, populi
sub te cadent, * in corda inimi-
corum regis.

Sedes tua, Deus, in seculum
seculi: * virga directionis virga
regni tui.

Dilexisti justitiam, et odisti
iniquitatem: * propterea unxit
te Deus, Deus tuus oleo lætitiæ
præ consortibus tuis.

Myrrha, et gutta, et casia a
vestimentis tuis, a domibus

eburneis: * ex quibus delectaverunt te filiae regum in honore tuo.

Astitit regina a dextris tuis in vestitu deaurato, * circumdata varietate.

Audi filia, et vide, et inclina aurem tuam: * et obliviscere populum tuum, et domum patris tui.

Et concupiscet Rex decorem tuum: * quoniam ipse est Dominus Deus tuus, et adorabunt eum.

Et filiae Tyri in muneribus: * vultum tuum deprecabuntur omnes divites plebis.

Omnis gloria ejus filiae regis

ab intus; * in fimbriis aureis circumamicta varietatibus.

Adducentur regi virgines post eam: * proximæ ejus afferentur tibi.

Afferentur in lætitia et exultatione: * adducentur in templum regis.

Pro patribus tuis nati sunt tibi filii: * constitues eos principes super omnem terram.

Memores erunt nominis tui * in omni generatione et generationem.

Propterea populi confitebuntur tibi in æternum, * et in seculum seculi.

Gloria Patri... Sicut erat...

Añã. Diffusa est gratia in labiis tuis; propterea benedixit te Deus in æternum.

℣. Tamquam sponsus. ℞. Dominus procedens de thalamo suo.

Pater noster...

℣. Et ne nos inducas in tentationem.

℞. Sed libera nos a malo.

ABSOLUTIO.

Exaudi, Domine Jesu Christe, preces servorum tuorum, et miserere nobis, qui cum Patre et Spiritu Sancto vivis et regnas in secula seculorum.

℞. Amen.

✠. Jube, domne, benedicere.

Benedictio. Benedictione perpetua benedicat nos Pater æternus. R. Amen.

*Tres sequentes lectiones Isaïæ leguntur
sine titulo.*

Lectio I.

Cap. 9.

Primo tempore alleviata est terra Zabulon, et terra Nephthali: et novissimo aggravata est via maris trans Jordanem Galilææ Gentium. Populus, qui ambulabat in tenebris, vidit lucem magnam: habitantibus in regione umbræ mortis, lux orta est eis. Multiplicasti gentem, et non magnificasti læti-

tiam. Lætabuntur coram te, sicut qui lêtantur in messe, sicut exultant victóres, capta præda, quando dividunt spolia. Jugum enim oneris ejus, et virgam humeri ejus, et sceptrum exactoris ejus superasti, sicut in die Madian. Quia omnis violenta prædatio cum tumultu, et vestimentum mistum sanguine, erit in combustionem, et cibus ignis. Parvulus enim natus est nobis, et filius datus est nobis, et factus est principatus super humerum ejus: et vocabitur nomen ejus, Admirabilis, Consiliarius, Deus, Fortis, Pater futuri se-

culi, Princeps pacis. Tu autem,
Domine, miserere nobis.

R. Deo gratias.

R. Hodie nobis cœlorum
Rex de Virgine nasci dignatus
est, ut hominem perditum ad
cœlestia regna revocaret.* Gau-
det exercitus Angelorum: quia
salus æterna humano generi
apparuit. ✠ Gloria in excelsis
Deo, et in terra pax homini-
bus bonæ voluntatis. Gaudet
exercitus Angelorum: quia sa-
lus æterna humano generi ap-
paruit. Gloria Patri, et Filio, et
Spiritui Sancto. Hodie nobis
cœlorum Rex de virgine nasci
dignatus est, ut hominem per-

ditum ad cœlestia regna revocaret. Gaudet exercitus Angelorum: quia salus æterna humano generi apparuit.

✠. Jube, domne, benedicere.

Benedictio. Unigenitus Dei Filius nos benedicere, et adjuvare dignetur. R. Amen.

Lectio II.

Cap. 40.

Consolámini, consolámini, pópule meus, dicit Deus vester. Loquímini ad cor Jerusalem, et advocate eam: quoniam completa est malitia ejus, dimissa est iniquitas illius: suscepit de manu Domini duplicia pro omnibus peccatis suis.

Vox clamantis in deserto: Parate viam Domini, rectas facite in solitudine semitas Dei nostri. Omnis vallis exaltabitur, et omnis mons et collis humiliabitur, et erunt prava in directa, et aspera in vias planas. Et revelabitur gloria Domini, et videbit omnis caro pariter quod os Domini locutum est. Vox dicentis: Clama. Et dixi: Quid clamabo? Omnis caro fœnum, et omnis gloria ejus quasi flos agri. Exsiccatum est fœnum, et cecidit flos, quia spiritus Domini sufflavit in eo. Vere fœnum est populus: exsiccatum est fœnum, et cecidit flos:

Verbum autem Domini nostri
manet in æternum. Tu autem,
Domine, miserere nobis.

R. Deo gratias.

R. Hodie nobis de cœlo pax
vera descendit: * Hodie per to-
tum mundum melliflui facti
sunt cœli.

℣. Hodie illuxit nobis dies
redemptionis novæ, reparatio-
nis antiquæ, felicitatis æter-
næ. Hodie per totum mundum
melliflui facti sunt cœli.

℣. Jube, domne, benedi-
cere.

Benedictio. Spiritus Sancti gra-
tia illuminet sensus et corda
nostra.

R. Amen.

Consurge, consurge, induere fortitudine tua, Sion; induere vestimentis gloriæ tuæ, Jerusalem civitas Sancti: quia non adjiciet ultra ut pertranseat per te incircumcisu et immundus. Excútere de púlvere, consurge, sede, Jerusalem: solve vincula colli tui, captiva filia Sion. Quia hæc dicit Dominus: Gratis venumdati estis, et sine argento redimémmini. Quia hæc dicit Dominus Deus: In Ægyptum descendit populus meus in principio ut colonus esset ibi: et Assur absque ulla causa calumniatus est eum. Et

nunc quid mihi est hic, dicit Dominus, quoniam ablati sunt populus meus gratis? Domina-
tores ejus inique agunt, dicit Dominus, et jūgiter tota die nomen meum blasphematur. Propter hoc sciet populus meus nomen meum in die illa: quia ego ipse qui loquebar, ecce adsum. Tu autem, Domine, miserere nobis.

R. Deo gratias.

R. Quem vidistis pastores? dicite, annuntiate nobis, in terris quis apparuit? † Natum vidimus, et choros Angelorum collaudantes Dominum. * Dicite, quidnam vidistis? et an-

nuntiate Christi nativitatem.
Natum vidimus, et choros Angelorum collaudantes Dominum.

Gloria Patri, et Filio, et Spiritui Sancto. Natum vidimus, et choros Angelorum collaudantes Dominum.

IN SECUNDO NOCTURNO.

Aña. Suscépimus, Deus, misericordiam tuam in medio templi tui.

Psalmus 47.

Magnus Dominus, et laudabilis nimis, * in civitate Dei nostri, in monte sancto ejus.

Fundatur exultatione universæ terræ mons Sion, * lātera Aquilonis, civitas Regis magni.

Deus in domibus ejus cognoscetur, * cum suscipiet eam.

Quoniam ecce reges terræ congregati sunt: * convenerunt in unum.

Ipsi videntes, sic admirati sunt: conturbati sunt, commoti sunt: * tremor apprehendit eos.

Ibi dolores ut parturientis, * in spiritu vehementi cónteres naves Tharsis.

Sicut audivimus, sic vidi-

mus in civitate Domini virtutum, in civitate Dei nostri: * Deus fundavit eam in æternum.

Suscépimus, Deus, misericordiam tuam, * in medio templi tui.

Secundum nomen tuum, Deus, sic et laus tua in fines terræ: * justitia plena est dextera tua.

Lætetur mons Sion, et exultent filiaë Judæ * propter judicia tua, Domine.

Circumdate Sion, et complectimini eam: * narrate in turribus ejus.

Pónite corda vestra in vir-

tute ejus: * et distribuite domos ejus, ut enarretis in progenie áltera.

Quoniam hic est Deus, Deus noster in æternum, et in seculum seculi: * ipse reget nos in secula.

Gloria Patri... Sicut erat...

Añã. Suscepimus, Deus, misericordiam tuam in medio templi tui.

Añã. Orietur in diebus Domini abundantia pacis, et dominabitur.

Psalmus 71.

Deus, judicium tuum regi da: *
et justitiam tuam filio regis:

Judicare populum tuum in
justitia, * et pauperes tuos in
judicio.

Suscipiant montes pacem
populo: * et colles justitiam.

Judicabit pauperes populi,
et salvos faciet filios paupe-
rum: * et humiliabit calumnia-
torem.

Et permanebit cum sole, et
ante lunam * in generatione et
generationem.

Descendet sicut pluvia in
vellus: * et sicut stillicidia sti-
llantia super terram.

Orietur in diebus ejus justi-
tia, et abundantia pacis: * do-
nec auferatur luna.

Et dominabitur a mari usque ad mare: * et a flumine usque ad terminos orbis terrarum.

Coram illo prœcident Æthiopes * et inimici ejus terram lingent.

Reges Tharsis, et insulæ munera offerent: * reges Arabum, et Saba dona adducent:

Et adorabunt eum omnes reges terræ: * omnes gentes servient ei.

Quia liberabit pauperem a potente: * et pauperem, cui non erat adjutor.

Parcet pauperi et inopi: * et

animas pauperum salvas faciet.

Ex usuris et iniquitate redimet animas eorum: * et honorabile nomen eorum coram illo.

Et vivet, et dabitur ei de auro Arabiae, et adorabunt de ipso semper: * tota die benedicent ei.

Et erit firmamentum in terra in summis montium, superextolletur super Libanum fructus ejus * et florebunt de civitate sicut fœnum terræ.

Sit nomen ejus benedictum in secula: * ante solem permanet nomen ejus.

Et benedicentur in ipso omnes tribus terræ: * omnes gentes magnificabunt eum.

Benedictus Dominus Deus Israel, * qui facit mirabilia solus:

Et benedictum nomen majestatis ejus in æternum: * et replebitur majestate ejus omnis terra: fiat, fiat.

Gloria Patri... Sicut erat...

Aña. Orietur in diebus Domini abundantia pacis, et dominabitur.

Aña. Veritas de terra orta est, et justitia de cœlo prospexit.

Benedixisti, Domine, terram tuam: * avertisti captivitatem Jacob.

Remisisti iniquitatem plebis tuæ: * operuisti omnia peccata eorum.

Mitigasti omnem iram tuam: * avertisti ab ira indignationis tuæ.

Converte nos, Deus salutaris noster: * et averte iram tuam a nobis.

Numquid in æternum irasceris nobis? * aut extends iram tuam a generatione in generationem?

Deus, tu conversus, vivifi-

cabis nos: * et plebs tua laetabitur in te.

Ostende nobis, Domine, misericordiam tuam: * et salutare tuum da nobis.

Audiam quid loquatur in me Dominus Deus; * quoniam loquetur pacem in plebem suam:

Et super sanctos suos, * et in eos qui convertuntur ad cor.

Verumtamen prope timentes eum salutare ipsius: * ut inhabitet gloria in terra nostra.

Misericordia et veritas obviaverunt sibi: * justitia et pax osculatæ sunt.

Veritas de terra orta est: * et justitia de cœlo prospexit.

Etenim Dominus dabit benignitatem: * et terra nostra dabit fructum suum.

Justitia ante eum ambulabit: * et ponet in via gressus suos.

Gloria Patri... Sicut erat...

Añã. Veritas de terra orta est, et justitia de cœlo prospexit.

Ÿ. Speciosus forma præ filiis hominum.

℞. Diffusa est gratia in labiis tuis.

Pater noster...

Ÿ. Et ne nos inducas in tentationem.

℞. Sed libera nos a malo.

ABSOLUTIO.

Ipsius pietas et misericordia
nos adjuvet, qui cum Patre et
Spiritu Sancto vivit et regnat
in secula seculorum.

R/. Amen.

V/. Jube, domne, benedicere.

Benedictio. Deus Pater omnipo-
tens sit nobis propitius et cle-
mens.

R/. Amen.

Sermo sancti Leonis Papæ.

Serm. I. de Nativitate Domini.

Lectio IV.

Salvator noster, dilectissimi,
hodie natus est: gaudeamus.
Neque enim fas est locum esse
tristitiæ, ubi natalis est vitæ:

quæ consumpto mortalitatis timore, nobis ingerit de promissa æternitate lætitiā. Nemo ab hujus alacritatis participatione secernitur. Unacunctis lætitiæ communis est ratio: quia Dominus noster peccati mortisque destructor, sicut nullum a reatu liberum reperit, ita liberandis omnibus venit. Exultet sanctus, quia propinquat ad palmam: gaudeat peccator, quia invitatur ad veniam: animetur Gentilis, quia vocatur ad vitam. Dei namque Filius secundum plenitudinem temporis, quam divini consilii inscrutabilis altitudo

disposuit, reconciliandam auctori suo naturam generis assumpsit humani, ut inventor mortis diabolus, per ipsam, quam vicerat, vinceretur. Tu autem, Domine, miserere nobis. **Rj.** Deo gratias.

Rj. O magnum mysterium, et admirabile sacramentum, ut animalia viderent Dominum natum, jacentem in præsepio: * Beata Virgo, cujus viscera meruerunt portare Dominum Christum.

* Ave, Maria, gratia plena: Dominus tecum. Beata Virgo, cujus viscera meruerunt portare Dominum Christum.

✠. Jube, domne, benedicere.

Benedictio. Christus perpetuæ
det nobis gaudia vitæ. R. Amen.

Lectio V.

In quo conflictu pro nobis ini-
to, magno et mirabili æquita-
tis jure certatum est, dum om-
nipotens Dominus cum sævis-
simo hoste non in sua majesta-
te, sed in nostra congréditur
humilitate: objiciens ei eam-
dem formam, eamdemque na-
turam, mortalitatis quidem
nostræ participem, sed pecca-
ti totius expertem. Alienum
quippe ab hac nativitate est,
quod de omnibus legitur: Ne-

mo mundus a sorde, nec infans, cujus est unius diei vita super terram. Nihil ergo in istam singularem nativitatem de carnis concupiscentia transivit, nihil de peccati lege manavit. Virgo regia Davidicæ stirpis eligitur, quæ sacro gravidanda foetu, divinam humanamque prolem prius conciperet mente, quam corpore. Et ne superni ignara consilii ad inusitados pavéret affatus, quod in ea operandum erat a Spiritu Sancto, colloquio discit Angélico: nec damnum credit pudoris, Dei genitrix mox futura. Tu autem, Domine, mi-

serere nobis. ✠. Deo gratias.

R. Beata Dei genitrix Maria, cujus viscera intacta permanent. * Hodie genuit Salvatorem seculi.

✠. Beata quæ credidit: quoniam perfecta sunt omnia quæ dicta sunt ei a Domino. Hodie genuit Salvatorem seculi.

✠. Jube, domne, benedicere.

Benedictio. Ignem sui amoris accendat Deus in cõrdibus nostris. R. Amen.

Lectio VI.

Agamus ergo, dilectissimi, gratias Deo Patri per Filium ejus in Spiritu Sancto: qui

propter multam charitatem suam, qua dilexit nos, misertus est nostri: et cum essémus mortui peccatis, convivificavit nos Christo, ut essémus in ipso nova creatura, novumque figmentum. Deponamus ergo veterem hominem cum actibus suis: et adepti participationem generationis Christi, carnis renuntiemus operibus. Agnosce, o Christiane, dignitatem tuam: et divinæ consors factus naturæ, noli in veterem vilitatem degéneri conversationi redire. Memento, cujus capitis et cujus corporis sis membrum. Reminiscere, quia érutus de po-

testate tenebrarum, translatus es in Dei lumen et regnum. Tu autem, Domine, miserere nobis. *R.* Deo gratias.

R. Sancta et immaculata virginitas, quibus te laudibus éfferam nescio: * Quia quem cœli cápere non póterant, tuo gremio contulisti.

*. Benedicta tu in mulieribus, et benedictus fructus ventris tui. Quia quem cœli cápere non póterant, tuo gremio contulisti. Gloria Patri, et Filio, et Spiritui Sancto. Quia quem cœli cápere non póterant, tuo gremio contulisti.

IN TERTIO NOCTURNO.

Aña. Ipse invocabit me, alleluia: Pater meus es tu, alleluia.

Psalmus 88.

Misericordias Domini * in æternum cantabo.

In generationem et generationem * annuntiabo veritatem tuam in ore meo.

Quoniam dixisti: In æternum misericordia ædificabitur in cœlis: * præparabitur veritas tua in eis.

Disposui testamentum electis meis, juravi David servo meo: * Usque in æternum præparabo semen tuum.

Et ædificabo in generationem et generationem * sedem tuam.

Confitebuntur cœli mirabilia tua Domine: * etenim veritatem tuam in ecclesia sanctorum.

Quoniam quis in nubibus æquabitur Domino: * similis erit Deo in filiis Dei?

Deus, qui glorificatur in consilio sanctorum: * magnus et terribilis super omnes qui in circuitu ejus sunt.

Domine Deus virtutum, quis similis tibi? * potens es, Domine, et veritas tua in circuitu tuo.

Tu dominaris potestati maris: * motum autem fluctuum ejus tu mitigas.

Tu humiliasti sicut vulneratum, superbum: * in brachio virtutis tuæ dispersisti inimicos tuos.

Tui sunt cœli, et tua est terra, orbem terræ et plenitudinem ejus tu fundasti: * Aquilonem et mare tu creasti.

Thabor et Hermon in nomine tuo exultabunt; * tuum brachium cum potentia.

Firmetur manus tua, et exaltetur dextera tua: * justitia et judicium præparatio sedis tuæ.

Misericordia et veritas præ-

cedent faciem tuam: * beatus
populus, qui scit jubilationem.

Domine, in lumine vultus
tui ambulabunt, et in nomine
tuo exultabunt tota die, * et in
justitia tua exaltabuntur.

Quoniam gloria virtutis eo-
rum tu es: * et in beneplacito
tuo exaltabitur cornu nos-
trum.

Quia Domini est assumptio
nostra: * et sancti Israel regis
nostri.

Tunc locutus es in visione
sanctis tuis, et dixisti: * Posui
adjutorium in potente: et ex-
altavi electum de plebe mea.

Inveni David servum

meum: * óleo sancto meo unxi eum.

Manus enim mea auxiliabitur ei: * et brachium meum confortabit eum.

Nihil proficiet inimicus in eo, * et filius iniquitatis non apponet nocere ei.

Et concidam a facie ipsius inimicos ejus: * et odientes eum in fugam convertam.

Et veritas mea, et misericordia mea cum ipso: * et in nomine meo exaltabitur cornu ejus.

Et ponam in mari manum ejus: * et in fluminibus dexteram ejus.

Ipse invocabit me: Pater meus es tu, * Deus meus, et susceptor salutis meæ:

Et ego primogenitum ponam illum, * excelsum præ regibus terræ.

In æternum servabo illi misericordiam meam: * et testamentum meum fideli ipsi.

Et ponam in seculum seculi semen ejus: * et thronum ejus sicut dies cœli.

Si autem dereliquerint filii ejus legem meam; * et in judiciis meis non ambulaverint:

Si justitias meas profanaverint: * et mandata mea non custodierint:

Visitabo in virga iniquitates
eorum: * et in verbéribus pec-
cata eorum.

Misericordiam autem meam
non dispergam ab eo: * neque
nocebo in veritate mea:

Neque profanabo testamen-
tum meum: * et quæ proce-
dunt de labiis meis, non fa-
ciam irrita.

Semel juravi in sancto meo,
si David mentiar: * semen ejus
in æternum manebit.

Et thronus ejus sicut sol in
conspectu meo: * et sicut luna
perfecta in æternum, et testis
in cœlo fidelis.

Tu vero repulisti et despe-

xisti: * distulisti Christum
tuum.

Evertisti testamentum servi
tui: * profanasti in terra sanc-
tuarium ejus.

Destruxisti omnes sepes
ejus: * posuisti firmamentum
ejus formídinem.

Diripuerunt eum omnes
transeuntes viam: * factus est
opprobrium vicinis suis.

Exaltasti dexteram depri-
mentium eum: * lætificasti om-
nes inimicos ejus.

Avertisti adjutorium gla-
dii ejus: * et non es auxiliatus
ei in bello.

Destruxisti eum ab emun-

ditione; * et sedem ejus in terram collisisti.

Minorasti dies temporis ejus;
* perfudisti eum confusione.

¿Usquequo, Domine, avertis in finem; * exardescet sicut ignis ira tua?

Memorare quæ mea substantia; * numquid enim vane constituisti omnes filios hominum?

¿Quis est homo, qui vivet, et non videbit mortem; * éruct animam suam de manu inferi?

¿Ubi sunt misericordiæ tuæ antiquæ, Domine, * sicut jurasti David in veritate tua?

Memor esto, Domine, oppro-

brii servorum tuorum * (quod continui in sinu meo) multarum gentium.

Quod exprobraverunt inimici tui, Domine, * quod exprobraverunt commutationem Christi tui.

Benedictus Dominus in æternum; * fiat, fiat.

Gloria Patri... Sicut erat...

Aña. Ipse invocabit me, alleluia; Pater meus es tu, alleluia.

Aña. Lætentur cœli, et exultet terra ante faciem Domini, quoniam venit.

Psalmus 95.

Cantate Domino canticum novum: * cantate Domino omnis terra.

Cantate Domino, et benedicite nomini ejus: * annuntiate de die in diem salutare ejus.

Annuntiate inter Gentes gloriam ejus, * in omnibus populis mirabilia ejus.

Quoniam magnus Dominus, et laudabilis nimis: * terribilis est super omnes deos.

Quoniam omnes dii Gentium dæmonia: * Dominus autem cœlos fecit.

Confessio et pulchritudo in conspectu ejus: * sanctimonia

et magnificentia in sanctificatione ejus.

Afferte Domino patriæ Gentium, afferte Domino gloriam et honorem: * afferte Domino gloriam nomini ejus.

Tollite hostias, et introite in atria ejus: * adorete Dominum in atrio sancto ejus.

Commoveatur a facie ejus universa terra: * dícite in Gentibus quia Dominus regnavit.

Etenim correxit orbem terræ, qui non commovebitur: * judicabit populos in æquitate.

Lætentur cœli, et exultet terra: commoveatur mare, et plenitudo ejus: * gaudebunt

campi, et omnia quæ in eis sunt.

Tunc exultabunt omnia ligna silvarum a facie Domini, quia venit: * quoniam venit judicare terram.

Judicabit orbem terræ in æquitate, * et populos in veritate sua.

Gloria Patri... Sicut erat...

Añã. Lætentur cœli, et exultet terra ante faciem Domini, quoniam venit.

Añã. Notum fecit Dñus, alleluia; salutare suum, alleluia.

Psalmus 97.

Cantate Domino canticum no-

vum: * quia mirabilia fecit.

Salvavit sibi dextera ejus, *
et brachium sanctum ejus.

Notum fecit Dominus salutare suum: * in conspectu Gentium revelavit justitiam suam.

Recordatus est misericordiæ suæ, * et veritatis suæ domui Israel.

Viderunt omnes termini terræ * salutare Dei nostri.

Jubilate Deo omnis terra: *
cantate, et exultate, et psállite.

Psállite Domino in cíthara,
in cíthara et voce psalmi: * in
tubis ductílibus, et voce tubæ
córneæ.

Jubilate in conspectu Regis

Domini: * moveatur mare, et plenitudo ejus; orbis terrarum, et qui habitant in eo.

Flúmina plaudent manu, simul montes exultabunt a conspectu Domini: * quoniam venit judicare terram.

Judicabit orbem terrarum in justitia, * et populos in æquitate.

.Gloria Patri... Sicut erat...

Añña. Notum fecit Dñus, alleluia, salutare suum, alleluia.

℣. Ipse invocabit me, alleluia.

℟. Pater meus es tu, alleluia.

Pater noster... *secreto.*

℣. Et ne nos inducas in tentationem.

Rl. Sed libera nos a malo.

ABSOLUTIO.

A vinculis peccatorum nostrorum absolvat nos omnipotens et misericors Dominus.

ψ. Amen.

ψ. Jube, domne, benedicere.

Benedictio. Evangelica lectio sit nobis salus et protectio.

Rl. Amen.

Lectio sancti Evangelii secundum Lucam.

Lectio VII.

Cap. 2.

In illo tempore: Exiit edictum a Cæsare Augusto, ut describeretur universus orbis. Et reliqua.

Homilia sancti Gregorii Papæ.

Homilia 8. in Evangelia.

Quia largiente Domino, Missarum sollemnia ter hodie celebraturi sumus, loqui diu de Evangelica lectione non possumus: sed nos aliquid vel breviter dicere, Redemptoris nostri nativitas ipsa compellit. Quid est enim, quod nascituro Domino mundus describitur, nisi hoc, quod aperte monstratur, quia ille apparebat in carne, qui electos suos adscribe- ret in æternitate? Quo contra de réprobis per Prophetam dicitur: Deleantur de libro viven-

tium, et cum justis non scribantur. Qui bene etiam in Béthlehem náscitur. Béthlehem quippe domus panis interpretatur. Ipse namque est, qui ait: Ego sum panis vivus, qui de cœlo descendi. Locus ergo, in quo Dominus nascitur, domus panis antea vocatus est: quia futurum profecto erat, ut ille ibi per materiam carnis appareret, qui electorum mentes interna satietate reficeret. Qui non in parentum domo, sed in via náscitur: ut profecto ostenderet, quia per humanitatem suam, quam assumpserat quasi in alieno nas-

cebatur. Tu autem, Domine,
miserere nobis. R. Deo gratias.

R. Beata viscera Mariæ vir-
ginis, quæ portaverunt æterni
Patris Filium: et beata úbera,
quæ lactaverunt Christum Do-
minum:

* Qui hodie pro salute mundi
de Virgine nasci dignatus est.

✠. Dies sanctificatus illuxit
nobis: venite, Gentes, et ado-
rate Dominum. Qui hodie pro
salute mundi de Virgine nasci
dignatus est.

✠. Jube, domne, benedicere.

Benedictio. Per Evangelica dic-
ta deleantur nostra delicta.

✠. Amen.

Lectio sancti Evangelii secundum Lucam.

Lectio VIII.

Cap. 2.

In illo tempore: Pastores loquebantur ad invicem: Transeamus usque Bèthlehem, et videamus hoc verbum quod factum est, quod Dominus ostendit nobis. Et réliqua.

Homilia sancti Ambrosii Episcopi.

Lib. 2. in cap. 2. Lucæ, circa medium.

Videte Ecclesiæ surgentis exordium. Christus náscitur; et pastores vigilare cœperunt: qui gentium greges, pécudum modo ante viventes, in caulam Domini congregarent, ne quos spiritalium bestiarum, per of-

fusas noctium tenebras, paterentur incursus. Et bene pastores vigilant, quos bonus pastor informat. Grex igitur populus, nox sæculum, pastores sunt sacerdotes. Aut fortásse etiam ille sit pastor, cui dicitur: Esto vigilans, et confirma. Quia non solum Episcopos ad tuendum gregem Dominus ordinavit, sed etiam Angelos destinavit. Tu autem, Domine, miserere nobis. Rj. Deo gratias.

Rj. Verbum caro factum est, et habitavit in nobis: * Et vidimus gloriam ejus, gloriam quasi unigeniti a Patre, plenum gratiæ, et veritatis.

✠. Omnia per ipsum facta sunt, et sine ipso factum est nihil. R. Et vidimus gloriam ejus, gloriam quasi unigeniti a Patre, plenum gratiæ et veritatis. ✠. Gloria Patri, et Filio, et Spiritui Sancto. R. Et vidimus gloriam ejus, gloriam quasi unigeniti a Patre, plenum gratiæ et veritatis.

✠. Jube, domne, benedicere.

Benedictio. Verba sancti Evangelii doceat nos Christus Filius Dei. R. Amen.

Lectio sancti Evangelii secundum Joannem.

Lectio IX.

Cap. I.

In principio erat Verbum, et

Verbum erat apud Deum, et
Deus erat Verbum. Et reliqua.

Homilia sancti Augustini Episcopi.

Tract. I. in Joann. circa medium.

Ne vile aliquid putares, quale consuevisti cogitare, cum verba humana soleres audire, audi quid cógites. Deus erat Verbum. Exeat nunc nescio quis infidelis Arianus, et dicat, quia Verbum Dei factum est. Quomodo potest fieri, ut Verbum Dei factum sit, quando Deus per Verbum fecit omnia? Si et Verbum Dei ipsum factum est; per quod aliud verbum factum est? Si hoc dicis, quia hoc est verbum Verbi,

per quod factum est illud: ipsum dico ego unicum Filium Dei. Si autem non dicis verbum Verbi, concede non factum, per quod facta sunt omnia. Non enim per seipsum fieri potuit, per quod facta sunt omnia. Crede ergo Evangelistæ. Tu autem, Domine, misere nobis. R. Deo gratias.

*Hymnus sanctorum Ambrosii
et Augustini.*

Te Deum laudamus: te Dominum confitemur.

Te æternum Patrem: omnis terra veneratur.

Tibi omnes Angeli: tibi cœli,
et universæ potestates.

**Tibi Cherubim et Seraphim:
incessabili voce proclamant.**

**Sanctus, Sanctus, Sanctus:
Dominus Deus sabaoth.**

**Pleni sunt cœli et terra, ma-
jestatis gloriæ tuæ.**

**Te gloriosus Apostolorum
chorus.**

**Te Prophetarum laudabilis
numerus.**

**Te Martyrum candidatus
laudat exercitus.**

**Te per orbem terrarum,
sancta confitetur Ecclesia.**

**Patrem immensæ majes-
tatis.**

**Venerandum tuum verum,
et unicum Filium.**

Sanctum quoque Paraclitum Spiritum.

Tu Rex gloriæ, Christe.

Tu Patris sempiternus es Filius.

Tu ad liberandum suscepturus hominem, non horruisti Virginis úterum.

Tu, devicto mortis acúleo, aperuisti credentibus regna cœlorum.

Tu ad dexteram Dei sedes: in gloria Patris.

Judex crederis esse venturus.

Te ergo quæsumus, tuis famulis súbveni: quos pretioso Sanguine redemisti.

**Æterna fac cum sanctis tuis
in gloria numerari.**

**Salvum fac populum tuum,
Domine: et benedic hæreditati
tuæ.**

**Et rege eos, et extolle illos
usque in æternum.**

**Per singulos dies benedici-
mus te.**

**Et laudamus nomen tuum
in sæculum, et in sæculum sé-
culi.**

**Dignare, Domine, die isto si-
ne peccato nos custodire:**

**Miserere nostri, Domine: mi-
serere nostri.**

**Fiat misericordia tua, Do-
mine, super nos; quemadmo-**

dum speravimus in te.

In te, Domine, speravi: non confundar in æternum.

Deinde dicitur:

℣. Dominus vobiscum.

℞. Et cum spiritu tuo.

ORATIO.

Concede, quæsumus, omnipotens Deus, ut nos Unigeniti tui nova per carnem nativitas liberet, quos sub peccati iugo vetusta sérvitus tenet. Per eundem Dominum nostrum Jesum Christum Filium tuum: Qui tecum vivit et regnat in unitate Spiritus Sancti Deus, per omnia sécula seculorum.

℞. Amen.

Et dicto Benedicamus Domino, celebratur prima Missa post mediam noctem in Ordinario: qua finita, dicuntur Laudes.

AD LAUDES

V. Deus, in adjutorium meum intende.

R. Domine, ad adjuvandum me festina. Gloria Patri, et Filio, et Spiritui Sancto. Sicut erat in principio, et nunc, et semper, et in sécula seculorum. Amen. Alleluia.

Antiphona. Quem vidistis, pastores? dicite, annuntiate nobis, in terris quis apparuit? Natum vidimus, et choros Angelorum collaudantes Dominum, alleluia, alleluia.

Psalmus 92.

Dominus regnavit, decorem
indutus est: * indutus est Do-
minus fortitudinem, et præcin-
xit se.

Etenim firmavit orbem ter-
ræ, * qui non commovebitur.

Parata sedes tua ex tunc: *
a século tu es.

Elevaverunt flumina, Domi-
ne: * elevaverunt flumina vo-
cem suam.

Elevaverunt flumina fluc-
tus suos, * a vóci-
bus aquarum
multarum.

Mirabiles elationes maris, *
mirabilis in altis Dominus.

Testimonia tua credibilia

facta sunt nimis: * domum
tuam decet sanctitudo, Domi-
ne, in longitudinem dierum.

Gloria Patri... Sicut erat...

Aña. Quem vidistis, pas-
tores? dicite, annuntiate nobis,
in terris quis apparuit? Natum
vidimus, et choros Angelorum
collaudantes Dominum, alle-
luia, alleluia.

Aña. Genuit puerpera Re-
gem, cui nomen æternum, et
gaudia matris habens cum vir-
ginitatis honore: nec primam
similem visa est, nec habere
sequentem, alleluia.

Psalmus 99.

Jubilate Deo, omnis terra: *
servite Domino in lætitia.

Introite in conspectu ejus, *
in exultatione.

Scitote quoniam Dominus
ipse est Deus: * ipse fecit nos,
et non ipsi nos.

Populus ejus, et oves pas-
cuæ ejus: * introite portas ejus
in confessione, atria ejus in
hymnis: confitémini illi.

Laudate nomen ejus: quo-
niam suavis est Dominus, in
æternum misericordia ejus, *
et usque in generationem et
generationem veritas ejus.

Gloria Patri... Sicut erat...

Aña. Genuit puerpera Regem, cui nomen æternum, et gaudia matris habens cum virginitatis honore, nec primam símilem visa est nec habere sequentem, alleluia.

Aña. Angelus ad pastores ait: Annuntio vobis gaudium magnum: quia natus est vobis hodie Salvator mundi, alleluia.

Psalmus 62.

Deus Deus meus, * ad te de luce vígilo.

Sitivit in te anima mea, * quam multipliciter tibi caro mea.

In terra deserta, et invia, et

inaquosa: * sic in sancto apparui tibi, ut vidérem virtutem tuam, et gloriam tuam.

Quoniam melior est misericordia tua super vitas: * labia mea laudabunt te.

Sic benedicam te in vita mea * et in nomine tuo levabo manus meas.

Sicut ádipe et pinguedine repleatur anima mea: * et labiis exultationis laudabit os meum.

Si memor fui tui super stratum meum, in matutinis meditabor in te: * quia fuisti adiutor meus.

Et in velamento alarum

tuarum exultabo, adhæsit anima mea post te: * me suscepit dextera tua.

Ipsi vero in vanum quæsierunt animam meam, introibunt in inferiora terræ: * tradentur in manus gladii, partes vulpium erunt.

Rex vero lætabitur in Deo, laudabuntur omnes qui iurant in eo: * quia obstructum est os loquentium iniqua.

Hic non dicitur: Gloria Patri...

Psalmus 66.

Deus misereatur nostri, et benedicat nobis: * illuminet vul-

tum suum super nos, et mise-
reatur nostri.

Ut cognoscamus in terra
viam tuam: * in omnibus gen-
tibus salutare tuum.

Confiteantur tibi populi,
Deus: * confiteantur tibi po-
puli omnes.

Lætentur et exultent gen-
tes: * quoniam iudicas populos
in æquitate, et gentes in terra
dirigis.

Confiteantur tibi populi,
Deus, confiteantur tibi populi
omnes: * terra dedit fructum
suum.

Benedicat nos Deus, Deus
noster, benedicat nos Deus: * et

metuant eum omnes fines terræ.

Gloria Patri... Sicut erat...

Añã. Angelus ad pastores ait: Annuntio vobis gaudium magnum: quia natus est vobis hodie Salvator mundi, alleluia.

Añã. Facta est cum Angelo multitudo cœlestis exercitus laudantium Deum, et dicentium: Gloria in excelsis Deo, et in terra pax hominibus bonæ voluntatis, alleluia.

Canticum trium puerorum.

Dan. 3.

Benedicite, omnia opera Domini, Domino: * laudate, et su-

perexaltate eum in sécula.

**Benedicite, Angeli Domini,
Domino: * benedicite, cœli Do-
mino.**

**Benedicite, aquæ omnes,
quæ super cœlos sunt, Domi-
no: * benedicite, omnes virtu-
tes Domini, Domino.**

**Benedicite, sol et luna, Do-
mino: * benedicite, stellæ cœli,
Domino.**

**Benedicite, omnis imber et
ros, Domino: * benedicite, om-
nes spiritus Dei, Domino.**

**Benedicite, ignis et æstus,
Domino: * benedicite, frigus et
æstus, Domino.**

Benedicite, rores et pruina,

Domino: * benedicite, gelu et frigus, Domino.

Benedicite, glacies et nives, Domino: * benedicite, noctes et dies, Domino.

Benedicite, lux et tenebræ, Domino: * benedicite, fúlgura et nubes, Domino.

Benedicat terra Dominum: * laudet et superexaltet eum in sécula.

Benedicite, montes et colles, Domino: * benedicite, universa germinantia in terra, Domino.

Benedicite, fontes, Domino: * benedicite, maria et flúmina, Domino.

**Benedicite, cete, et omnia
quæ moventur in aquis, Do-
mino: * benedicite, omnes vó-
lucres cœli, Domino.**

**Benedicite, omnes bestiaë et
pécora, Domino: * benedicite,
filii hominum, Domino.**

**Benedicat Israel Dominum: *
laudet et superexaltet eum in
sécula.**

**Benedicite, sacerdotes Do-
mini, Domino: * benedicite, ser-
vi Domini, Domino.**

**Benedicite, spiritus et ani-
mæ justorum, Domino: * bene-
dicite, sancti et húmiles corde,
Domino.**

Benedicite, Anania, Azaria,

Misael, Domino; * laudate et superexaltate eum in sécula.

Benedicamus Patrem et Filium cum Sancto Spiritu; * laudemus et superexaltemus eum in sécula.

Benedictus es, Domine, in firmamento cœli; * et laudabilis, et gloriosus, et superexaltatus in sécula.

Hic non dicitur Gloria Patri....
neque Amen.

Aña. Facta est cum Angelo multitudo cœlestis exercitus laudantium Deum, et dicentium : Gloria in excelsis Deo, et in terra pax hominibus bonæ voluntatis, alleluia.

Aña. Parvulus filius hodie natus est nobis, et vocabitur Deus, fortis, alleluia, alleluia.

Psalmus 148.

Laudate Dominum de cœlis; laudate eum in excelsis.

Laudate eum, omnes angeli ejus; * laudate eum, omnes virtutes ejus.

Laudate eum, sol et luna; * laudate eum, omnes stellæ, et lumen.

Laudate eum, cœli cœlorum; * et aquæ omnes quæ super cœlos sunt, laudent nomen Domini.

Quia ipse dixit, et facta

sunt: * ipse mandavit, et creata sunt.

Statuit ea in æternum, et in seculum seculi: * præceptum posuit, et non præteribit.

Laudate Dominum de terra,
* dracones, et omnes abyssi.

Ignis, grando, nix, glacies,
spiritus procellarum: * quæ faciunt verbum ejus:

Montes, et omnes colles, * ligna fructifera, et omnes cedri.

Bestiæ, et universa pécora:
* serpentes, et volucres pennatæ.

Reges terræ, et omnes populi: * principes, et omnes iudices terræ.

Juvenes, et virgines, senes
cum junioribus laudent no-
men Domini: * quia exaltatum
est nomen ejus solius.

Confessio ejus super cœlum,
et terram: * et exaltavit cornu
populi sui.

Hymnus omnibus sanctis
ejus: * filiis Israel, populo ap-
propinquanti sibi.

Hic non dicitur Gloria Patri...

Psalmus 149.

Cantate Domino canticum
novum: * laus ejus in Ecclesia
sanctorum.

Lætetur Israel in eo, qui fe-
cit eum: * et filii Sion exultent
in rege suo.

Laudent nomen ejus in choro: * in tympano, et psalterio psallant ei:

Quia beneplacitum est Domino in populo suo: * et exaltavit mansuetos in salutem.

Exultabunt sancti in gloria: * lætabuntur in cubilibus suis.

Exaltationes Dei in gútture eorum: * et gladii ancípites in manibus eorum.

Ad faciendam vindictam in nationibus, * increpationes in populis.

Ad alligandos reges eorum in compedibus: * et nóbiles eorum in manicis ferreis.

Ut faciant in eis iudicium

conscriptum: * gloria hæc est
omnibus sanctis ejus.

Hic non dicitur Gloria Patri...

Psalmus 150.

Laudate Dominum in sanctis
ejus: * laudate eum in firma-
mento virtutis ejus.

Laudate eum in virtutibus
ejus: * laudate eum secundum
multitudinem magnitudinis
ejus.

Laudate eum in sono tubæ:
* laudate eum in psalterio, et
cithara.

Laudate eum in tympano,
et choro: * laudate eum in
chordis, et organo.

Laudate eum in cymbalis
benesonantibus: laudate eum
in cymbalis jubilationis: * om-
nis spiritus laudet Dominum.

Gloria Patri... Sicut erat...

Añã. Párvulus filius hodie
natus est nobis, et vocabitur
Deus, fortis, alleluia, alleluia.

Capitulum.

Hebr. 1.

Multifariam, multisque mo-
dis, olim Deus loquens patri-
bus in Prophetis: novissime
diebus istis locutus est nobis
in Filio, quem constituit hæ-
redem universorum, per quem
fecit et sécula.

Rl. Deo gratias.

HYMNUS.

A solis ortus cárdine
Ad usque terræ limitem,
Christum canamus Principem,
Natum Maria Virgine.

Beatus auctor seculi
Servile corpus induit:
Ut carne carnem liberans,
Ne pérderet quos cóndidit.

Castæ parentis viscera
Cœlestis intrat gratia:
Venter Puellæ bájulat
Secreta, quæ non noverat.

Domus pudici pectoris
Templum repente fit Dei:
Intacta nesciens virum,
Concepit alvo Filium.

Enititur puerpera,

Quem Gabriel prædixerat;
Quem ventre matris gestiens,
Baptista clausum sènserat.

Fœno jacere pertulit:
Præsepe non abhorruit:
Et lacte modico pastus est,
Per quem nec ales ésurit.

Gaudet chorus cœlestium,
Et Angeli canunt Deo,
Palamque fit Pastoribus
Pastor, Creator omnium.

Jesu, tibi sit gloria
Qui natus es de Virgine,
Cum Patre, et almo Spiritu,
In sempiterna secula.

Amen.

✱. Notum fecit Dominus,
alleluia.

R. Salutare suum, alleluia.

Añã. Gloria in excelsis Deo,
et in terra pax hominibus bonæ voluntatis, alleluia, alleluia.

Canticum Zachariæ.

Lucæ I.

Benedictus Dominus Deus Israel, * quia visitavit, et fecit redemptionem plebis suæ.

Et erexit cornu salutis nobis, * in domo David pueri sui.

Sicut locutus est per os sanctorum, * qui a seculo sunt, prophetarum ejus:

Salutem ex inimicis nostris, * et de manu omnium qui oderunt nos:

Ad faciendam misericordiam cum pátribus nostris,* et memorari testamenti sui sancti.

Jusjurandum, quod juravit ad Abraham patrem nostrum,* daturum se nobis:

Ut sine timore de manu inimicorum nostrorum liberati,* serviamus illi.

In sanctitate, et justitia coram ipso,* omnibus diebus nostris.

Et tu, puer, Propheta Altissimi vocaberis: * præibis enim ante faciem Domini parare vias ejus:

Ad dandam scientiam salu-

tis plebi ejus: * in remissionem
peccatorum eorum:

Per viscera misericordiæ
Dei nostri: * in quibus visitavit
nos, oriens ex alto:

Illuminare his, qui in téné-
bris et in umbra mortis se-
dent: * ad dirigendos pedes
nostros in viam pacis.

Gloria Patri... Sicut erat...

Aña. Gloria in excelsis Deo,
et in terra pax hominibus bo-
næ voluntatis, alleluia, alle-
luia.

✠. Dominus vobiscum.

✠. Et cum spiritu tuo.

Oremus.

Oratio.

Concede, quæsumus, omnipotens Deus, ut nos Unigeniti tui nova per carnem nativitas liberet, quos sub peccati iugo vetusta sêrvitus tenet. Per eundem Dominum nostrum Jesum Christum Filium tuum: Qui tecum vivit, et regnat in unitate Spiritus Sancti Deus, per omnia secula seculorum.

R/. Amen.

V/. Dominus vobiscum.

R/. Et cum spiritu tuo.

V/. Benedicamus Domino.

R/. Deo gratias.

V/. Fidelium animæ per mi-

**sericordiam Dei requiescant
in pace.**

Rj. Amen.

***Si post Laudes absolvatur Officium,
dicitur Antiphona Alma Redemptoris Ma-
ter...***

***Summo mane dicitur Prima, qua fini-
ta, celebratur secunda Missa in Aurora, et
in ea fit commemoratio de sancta Anasta-
sia martyre.***



